

ТРОПАРИ И БОГОРОДИЧНЫ И КОНДАКИ ДНЕВНЫЯ

В понедельник, тропарь безплотным, глас 4. Небесных воинств архистратізи, молим вас ныне мы недостойнии, яко да вашими молитвами, покрыете нас кровом крилу, невестственныхя ваша славы, сохраняюще нас молящихся прилежно и вопиющих: от бед избавите нас, яко чиновачальницы вышним силам.

Богородичен. Яко всех тварей лучши еси Богородице, пети Тя Дево, достойно недоумеюще. Туне, молим Тя, помилуй нас.

Кондак, глас 2. Архистратізи Божии и слуги божественя славы, ангелом начальницы, и наставницы человеком, еже есть на пользу просите нам и велия милости, яко безплотным архистратізи.

Во вторник тропарь Иоанну Предотечи, глас 2. Память праведнаго с похвалами, тебе же довлет свидетельство Господне, Предотече: явилбоя еси войстину пророк честнейши, яко и в быстринах крестити сподобился еси Проповеданнаго. Тем же и за истину пострадав радуяся; благовестил еси и во аде сущим, Бога явльщагося плотию, вземлющаго грехи мира, и подающаго нам велию милость.

Богородичен. Божию быхом естеству общницы Тобою, Богородице присно Дево, Бога бо нам воплощенна родила еси. Тем же подолгу Тя, вси благочестно величаем.

Кондак, глас 3. Неплоды днесь Христова Предотечу раждает, и той есть совершение всякаго пророчества. Его же бо пророцы проповедаша, на Том во Иордане руку положи, и показася Божию Слово, пророк и проповедник, вкупе и Предотеча.

В среду и в пяток тропарь Честному Кресту, глас 1. Спаси Господи, люди Своя и благослови достояние Твое, победы державе Российской на сопротивныя даруй и Своя сохраняя Крестом люди.

Крестобогородичен. Иже Твое заступление стяжавше Пречистая, и Твоими молитвами от бед избавляемся. Крестом бо Сына Твоего всегда храними вездѣ, подолгу Тя вси благочестно величаем.

Кондак, глас 4. Вознесыися на Крест волею, тезой менитому ныне граду Твоему, щедроты Твоя даруй, Христѣ Божѣ. Возвесели силою Своею державу Российскую, победы дая ей на супостаты. Посobie имущу Твое орудие, миру непобедимую победу.

В четверток тропарь апостолом, глас 3. Апостоли святіи, молите милостиваго Бога, да грехов оставление подаст душам нашим.

Тропарь святителю Николе, глас 4. Правило вере и образ кротости,

Тропари и богородичны и кондаки дневныя

Автор: Павел
01.04.2012 13:22

воздержанию учителя яви тя Господь стаду Своему, яже вешем истина. Сего ради стяжав смирением высокая, нищетою богатая, отче наш святителю Николае. Моли Христа Бога, спастися душам нашим.

Богородичен. Слово Отчее, Христа Бога нашего, из Тебе воплощшееся разумехом, Богородице Дево. Того моли спасти душа наша.

Кондак апостолом, глас 2. Твердые и боговещанные проповедатели, верх ученик Твоих Господи, прият в наслаждение, благих Твоих покоя. Труды бо их и смерть прият паче всякаго приношения, Едины сведыи сердечная.

Кондак святителю Николе, глас 3. В Мирех святе Николае, святитель явился. Христово бо днесь, преподобне евангелие исполнив, положил еси душу свою за люди своя, и спасл еси неповинныя от смерти. Сего ради освятися, и явился велии тайнник Божия благодати.

В субботу тропарь всем святым, глас 2. Апостоли, пророцы и мученицы, святителие, преподобнии и праведнии, иже добре подвиг скончавше, и веру соблюдше, дерзновение имуще ко Спасу, молим вы: о нас Того молити, яко Блага, спасти душа наша.

Богородичен. Мати святая пречистаго Света, ангельскими песньми чтущи Тя, поем и величаем.

Кондак, глас 8. Яко начатки естества, Содетелю твари, вселенная приносит Ти Господи, богоносныя мученики. Тех молитвами во смирении глубоче, церковь Свою и град Свой, Богородицы ради соблюди, едины Многомилостиве.

Тропарь за упокой, глас 2. Помяни Господи, яко Благ, рабы Своя, и елика в житий сем согрешиша, прости. Никто же бо без греха, токмо Ты могши преставленным дати покой.

Ин тропарь, за упокой же, глас 8. Иже глубинами мудрости, человеколюбне вся строи: и еже на пользу всем подавая, едины Содетелю, покой Господи, душа усопших раб Своих. На Тя бо упование возложиша, Творца и Зиждителя и Бога нашего.

Богородичен. Тебе град и пристанище имама, и Молитвеницу благоприятну, к рождшемуся из Тебе Богу. Богородице безневестная, верным спасение.

Кондак за упокой, глас 8. Со святыми покой, Христе, душа раб Своих, идеже несть болезни, ни печали, ни воздыхания, но жизнь вечная.